

2018-imi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip pingajussaaneerpeqarneranut

ILASSUTITUT ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq
Inatsisartunut ilaasortaq Peter Olsen, Inuit Ataqtigiit, siulittaasup tullia
Inatsisartunut ilaasortaq Karl Kristian Kruse, Siumut
Inatsisartunut ilaasortaq Henrik Fleischer, Siumut
Inatsisartunut ilaasortaq Randi V. Evaldsen, Demokraatit
Inatsisartunut ilaasortaq Múte Bourup Egede, Inuit Ataqtigiit
Inatsisartunut ilaasortaq Jens Napaattooq, Partii Naleraq

Ulloq 3. maj 2019-imi aappassaaneerinninnerup kingorna ataatsimiititaliap siunnersuut misissorpaa.

Imarisai

1. *Siunnersuutip Inatsisartunit aappassaaneerpeqarnera..... 3*
2. *Ataatsimiititaliap suliarinninnera..... 3*
3. *Aningaasaqarnermut Akileraartarnermullu Ataatsimiititaliap oqaaseqaatai:..... 6*
4. *Aningaasaqarnermut Akileraartarnermullu Ataatsimiititaliap inassuteqaatai..... 6*

1. Siunnersuutip Inatsisartunit aappassaaneerเนqarnera

Aappassaaneerinninnermi siunnersuummut isumaqataallutik 17-it akerliullutillu pingasut taasipput. Inatsisartunut ilaasortat arfineq pingasut taasisarneq pillugu isumaqatigiissuteqarsimapput. Aalajangiunneqarporli siunnersuut Aningaasaqarnermut Akileraartarnermullu Ataatsimiititaliamut suliarineqqaqittussanngorlugu innersuunneqassasoq.

Ataatsimiititaliap nalinginnaasumik oqaaseqaatai aammalu aningaasaliissuteqarnissamik suliassat ilaannut oqaaseqaatit kiisalu ataatsimiititaliap isumaliutissiissutaani kaammattuut nr. 1 immikkoortup aappassaaneerเนqarnerani pingaarnertut sammineqarput.

Inatsisissatut siunnersuut suliareqqinneqarpoq, taamaalillunilu Aningaasaqarnermut Akileraartarnermullu Ataatsimiititaliaq Inatsisartut inatsisissatut siunnersuummik pingajussaaneerinninnissaannut matumuuna ilassutitut isumaliutissiissuteqarluni.

2. Ataatsimiititaliap suliarinninnera

Ataatsimiititaliap suliaa nr. 01.31.06/18 – 00813 pillugu

Suliaq Naalackersuisut ilaatigut ima inassuteqarfigisaat isumaliutissiissummini ataatsimiititaliap innersuussutigaa:

“- kontomi pingaarnermi 89.72.12 Inissialiassat taartissanillu inissialiortiterneq suliassamut nr. 100.31.046 Inissianik nutarterineq, Asiaat aningaasaliissutit 8,7 mio. koruuninik amerlineqassasut,”

Iluarsaanermik suliassaq aatsaat ingerlanneqareermat paasineqarpoq ingerlanneqarnissaa sioqqullugu aningaasanik nuussinissaq qinnutigineqarsimanngitsoq. Taamaattumillu qinnuteqarnermi siunertarineqartoq tassaavoq suliap naatsorsuutini eqqortumik suliarineqarnissaa. Tamannalu kisimi ataatsimiititaliamit suliame pineqartumi akuersissutigineqarpoq.

Suliani taamaattuni peqqissaarussinerunissamik Naalackersuisunut eqqaasitsissuteqarnerup saniatigut ataatsimiititaliap suliame akersinermi kaammattuutigisani imaattoq uteqqissavaa:

“Aningaasat atorneqareerneranni aningaasaliissuteqarnissamik qinnuteqaatit ataatsimiititaliamit nalinginnaasumik suliarineqarneq ajormata ataatsimiititaliamit erseqqissaatigineqassaaq. Aammalu ilassutitut aningaasaliissuteqarnissamik qinnuteqaatit aningaasat ukiuannut ingerlasumut atuuttut kisimik ataatsimiititaliamit akuerineqarsinnaapput. Taamaattumillu atuineq namminermi ataatsimiititaliamit akuerineqarsinnaanngilaq. Naatsorsuusiornerli paasinartooqqullugu aningaasat atorneqarsimasut naatsorsuutitigut eqqortumik suliarineqartariaqarnerat ataatsimiititaliamit paasilluarneqarsinnaavoq. Taamaattumillu aningaasat suliassap nutaap Naalackersuisut inassuteqaatiminni allassimasaata ataani naatsorsuutinut ilanngunneqarsinnaanerat ataatsimiititaliamit ilaleneqarsinnaavoq. Ataatsimiititaliamit erseqqissarneqassaaq pisoq ataasiartumik pimmat aammalu suliap naatsorsuutitigut eqqortumik pineqarnissaannik kissaatip akuerineqarnera missingersuusiornermut inatsimmi aalajangersakkat malinneqannginnissaannik maligassiuinngimmat.”

Ataatsimiititaliap kaammattuutaa nr. 1 pillugu:

Sanaartornermut aningaasaliissutit siunertanut aalajangersimasunut qanoq sukkanerusumik atugas-siissutigineqarsinnaanerit aammalu suliasat assigiinngitsut sukkanerusumik qanoq naammassine-qarsinnaanerit isumaliutigeqqullugu Aningaasaqarnermut Akileraartarnermullu Ataatsimiititaliap Naalakkersuisunut kaammattuutigaa. Tamatuma saniatigut suliasanut aningaasaliussat Sanaartugas-sanut Iluarsagassanullu Aningaasaateqarfimmit utertitat nunap immikkoortuini, suliffissanik anner-tuumik pisariaqartitsisuni, allatut atorneqarsinnaanerit Naalakkersuisunit eqqumaffigineqarnerunis-saa ataatsimiititaliamit kissaatigineqarpoq.

Oqaatigineqassaaq aningaasanik inatsimmi oqaasertaliussaq atuuttoq, sanaartugassanut atuinikin-ne-russutinik utertitat ukiumut 50 mio. kr.-it tikillugit Kalaallit Airports A/S-imut aningaasaliissutigi-neqarnissaannik Naalakkersuisunut piginnaatitsisoq, ataatsimiititaliamit ataqqineqarmat. Ataatsimii-titaliap kaammattuutaani pineqarput taakku sinnerlugit aningaasat utertitat. Tamannalu tunnga-vigalugu immikkoortup aappasaaneerneqarneranut isumaliutissiisummini kaammattuutini nr. 1 ataatsimiititaliap aalajangiusimavaa.

Ataatsimiititaliap kaammattuutaa nr. 2 pillugu:

Ilassutitut aningaasaliissutit pillugit missingersuutitut inatsimmi aammalu missingersuusiornermi malittarisassami aalajangersakkanik atuinermi Naalakkersuisut nalinginnaasumik peqqissaartu-mik atuinissat Aningaasaqarnermut Akileraartarnermullu Ataatsimiititaliamit kaammattuutigineqar-poq. Tassunga atatillugu peqqinnissaqarfimmi aningaasaliissutinik aningaasaqarnikkut allaffissor-nikkullu aqutsinerup sukumiisumik misissorneqarnissaa assut pisariaqartinneqartoq ataatsimiititaliaq isumaqarpoq. Suliaq aalajangersimasooq tamatumunnga tunuliaqutitut atussallugu ataatsimiititaliap toqqarpaa, tamatumani atuinerrussutit ukiumut tullermut nuunneqarnissaannut piginnaatitsissummik atuuttumik atuinissartik Naalakkersuisut kissaatigisimangilaat. Taarsiullugu ilassutitut aningaasa-liissuteqarnissamik immikkut qinnuteqaammik Naalakkersuisut nassiussippot, tamannalu ataatsimii-titaliap isumaa malillugu pisariaqanngilaq. Ataatsimiititaliap isumaa malillugu suliaq naammassine-qareerpoq. Pissusissamisussaarli inatsisissatut siunnersuutip aappasaaneerneqarneranut Naalak-kersuisut akissuteqaataata ataatsimiititaliamit qisuariarfigineqarnissaa. Apeqqutit inatsisissatut siun-nersuutip pingajussaaneerneqarneranut atatillugu akissuteqarfigeqqullugit Naalakkersuisut ataatsimiititaliamit qinnuigineqarput.

Ataatsimiititaliap apeqqutaa 1:

Immikkoortup aappasaaneerneqarnerani Aningaasaqarnermut Nunanilu Avannarlerni Suleqatigiin-nermut Naalakkersuisooq ima paasissutissiivoq:

”Oqaasertaliussanik toqqammaveqartumik iliuuseqarnissamut pisinnaatitsissut, nalingin-naasumik Naalakkersuisut iliuusissamik isumaginninnissamik pisussaanerannik isumaqan-ngilaq, Naalakkersuisulli taamatut iliuuseqarsinnaanermik pisussaataitaanerattut isigine-qassalluni. Naalakkersuisut pisinnaatitaaffimmik aalajangersimasumik atuinissamik aalajan-gernerminni, suliami aalajangersimasumi politikikkut aningaasaqarnikkullu tamatuma naapertuunna pissusissamisoortumik isummorsorfigisinnaavaat.”

Suliami pineqartumi naalackersuinikkut aningaasaqarnikkullu isumaliutit naapertuuttut suut Naalackersuisunit isumaliutigineqarpat?

Ataatsimiititaliap apeqqutaa 2:

Immikkoortup aappassaaneerneqarnerani Aningaasaqarnermut Nunanilu Avannarlerni Suleqatigiinnermut Naalackersuisoq ima paasissutissiivoq:

”Ataatsimiititaliap oqariartuutai tunuliaqutaralugit Naalackersuisut siunissami immikkoortuni nuussinissamik periarfissanut pisinnaatitaaffioreersuni aningaasaliivigineqarnissamik qinnuteqaammik nassitsinissamik pisariaqartitsilernermi sooq pisinnaatitaaffiit atorneqannginneri pillugit nassuiaateqartarnissaq Naalackersuisut anguniarpaat.”

Taama oqariartuuteqarnek pissusissamisoortutut assullu pitsaasutut ataatsimiititaliamit isigineqarpoq. Ataatsimiititaliallu isumaa malillugu suliami taaneqartumi aamma taama pisoqarpoq. Ilaatigut ima tunngavilersuutilimmik ilassutitut aningaasaliissuteqarnissamik qinnuteqaammik nutaamik nassiussinissaq Naalackersuisut pisariaqartissimavaat:

”Napparsimasut isumannaassusaannut kiisalu peqqinnissaqarfimmi sullissinerup pitsaassusaanut ilungersunartumik kinguneqarsinnaavoq, ilassutitut aningaasaliissutitut qinnutigineqartut aningaasaliissutigineqanngippata, atuinerunerillu 2019-imut ingerlateqqinneqartut sullissinerup appasinnerulersinneratigut naligiissarniarneqassappata.”

Immikkut qinnuteqarnikkut pinnani atuinerussuteqarnek aningaasanut inatsimmi piginnaatitsissummit atuuttumit matussuserneqarpat napparsimasut isumannaassusaannut kiisalu peqqinnissaqarfimmi sullissinerup pitsaassusaanut ilungersunartumik qanoq kinguneqarsinnaanera paasissutissiissutigineqassasoq ataatsimiititaliamit kissaatigineqarpoq.

Ataatsimiititaliap apeqqutaa 3:

Oqaasertaliussami piginnaatitsissut pisariaaruttutut naammakkunnaartutulluunniit isigineqalerpat tamatuma aqqiivigineqarnissaanik Naalackersuisut ingerlaannartumik suliniutiginnilernissaat ataatsimiititaliamit naatsorsuutigineqarpoq. Oqaasertaliussat suliami matumani taaneqartut peerneqarnissaat Naalackersuisunit isumaliutigineqarsimava?

Ataatsimiititaliap kaammattuutaa nr. 3 pillugu – ilassutitut aningaasaliissuteqarnissamik qinnuteqaatit amerlassusiat:

Ilassutitut aningaasaliissuteqarnissamik qinnuteqaatit piffissami 2014-imit 2018-imut amerliartorsimanerat pillugu aalajangersimasumik inerniliinissaq mianersuuttariaqartoq siunnersuutip aappassaaneerneqarnissaanut akissuteqaammini Aningaasaqarnermut Nunanilu Avannarlerni Suleqatigiinnermut Naalackersuisoq allappoq. Tamanna ataatsimiititaliap kaammattuutaanut nr. 3-mut akissuteqaataavoq.

Ilassutitut aningaasaliissuteqarnissamik qinnuteqaatit amerliartornerisa oqallisigineqarnissaa ataatsimiititaliamit kissaatigineqarsimangilaq. Kaammattuut aqutigalugu ataatsimiititaliap Naalakkersuisunut eqqaasitsissutigiumavaa Nunatta Karsiata aningaasartuutissaanik ataatsimoortumik pingaarnersiulluni tullerriiarineq aningaasanut inatsimmi pissamat aammalu ukiumoortumik pingaarnersiulluni tullerriiarineq tamatuma kingorna ilassutitut aningaasaliissutit aqutigalugit aalajangiisuusumik allanngortinneqassanngimmat, soorlu tamanna missingersuusiormut malittari-sassami 2008-meersumi aalajangersarneqartoq.

Tamatuma peqatigisaanik ilassutitut aningaassuteqarnissamik suliassat naapertuuttuusinnaallutillu pisariaqarsinnaanerit ataatsimiititaliamit ilisimaneqarpoq. Tamatumani pineqarput aningaasaliissutit taamatullu oqaasertaliussat. Tamatuma peqatigisaanik aningaasanut inatsimmi suliaqarnermi tungaviit, aningaasanut inatsisip ukiuata ingerlanerani aningaasaliissutit nutaat allanngortitalluunniit sapinngisamik ikilisinneqarnissaannik siunertaqartut, Naalakkersuisunut eqqaasitsissutigisarnissaat ataatsimiititaliap suliassamisut isigaa.

Tassunga atatillugu ataatsimiititaliaq naggasiullugu isumaqarpoq oqaasertaliussat aqutigalugit nuussinissamut periarfissaqartitsineq naapertuussinnaasoq. Naalakkersuisullu 2019-imi aningaasanut inatsisissatut siunnersuummut oqaaseqaataat ataatsimiititaliamit aamma isumaqatigineqarput, taak-kunani matumani sammisaq pillugu ilaatigut ima allassimasoqarpoq:

”Aammali pissutsinik peqarsinnaavoq nuussisinnaanernut taamaattunut akerliusunik. Nuussisinnaanerup imaraa, aningaasat amerlasuut aningaasanut inatsisissap sularineqarnerani suliassaqrfit akornanni pingaarnersiuinermi toqqaannartumik ilaanginerat. Peqatigitillugu nuussisinnaanerup ajornakusoortissinnaavaa tamaat takutissallugu, aningaasanut inatsimmi aningaasat inuiaqatigiinni aninaasarsiornermi pissutsit ineriartornerannut qanoq sunnuteqarnerisut. Naggataagut nuussisinnaanerit amerlasuut Nunatta Karsiata Naatsorsuutaani kontoni pingaarnerni attuumassuteqartuni atuiniviit annertussusaannik millisaassallutik tulluarput.”


3 Aningaasaqarnermut Akileraartarnermullu Ataatsimiititaliap oqaaseqaatai:
Aningaasaqarnermut Akilerartarnermullu Ataatsimiititaliaq allanik oqaaseqaatissaqanngilaq.

4. Aningaasaqarnermut Akileraartarnermullu Ataatsimiititaliap inassuteqaatai
Tamanna tunngavigalugu siunnersuutit tamarmik **akuerineqarnissaat ataatsimiititaliamit isumaqatigiittumit inassutigineqarpoq.**

Taama oqaaseqarluni isumaliutissiisummilu allassimasutut paasinnilluni Inatsisartut Aningaasaqarnermut Akileraartarnermullu Ataatsimiititaliaata 2018-imi ilassutitut aningaasaliissutitut inatsisissatut siunnersuut pingajussaaniigassanngortippaa.



Hermann Berthelsen,
siulittaasoq



Peter Olsen


Karl Kristian Kruse




Henrik Fleischer



Múte Bourup. Egede



Randi V. Evaldsen



Jens NapátôK'